



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

LIBAT URUS BERSAMA PEMAIN INDUSTRI PENGANGKUTAN KENDERAAN DARAT BARANGAN BAGI PERSEDIAAN PELAKSANAAN PENGGUNAAN FLEET CARD SKDS 2.0

PUTRAJAYA, 23 APRIL 2024 – Kementerian Perdagangan Dalam Negeri dan Kos Sara Hidup (KPDN) pada hari ini telah mengadakan sesi libat urus bersama industri pengangkutan dan syarikat pembekal minyak bagi mendapatkan kerjasama daripada ahli-ahli persatuan pengangkutan darat. Ianya bagi menyegerakan permohonan fleet card dengan syarikat minyak yang dipilih untuk memastikan syarikat-syarikat kenderaan pengangkutan barangan dapat menikmati subsidi yang disediakan apabila Kerajaan melaksanakan penyasaran subsidi diesel kelak.

Selain itu, libat urus ini diadakan adalah bagi memaklumkan persetujuan Kerajaan untuk menambah bilangan syarikat minyak pembekal daripada dua kepada tiga syarikat di dalam Sistem MySubsidi Diesel berkuat kuasa serta merta. Keputusan ini dibuat setelah mengambil kira pandangan dan maklum balas daripada syarikat minyak pembekal dan industri pengangkutan.

Pelaksanaan pemberian diesel bersubsidi di bawah Sistem Kawalan Diesel Bersubsidi (SKDS) telah dilaksanakan Kerajaan kepada syarikat pengangkutan darat awam menerusi kaedah fleet card. Awalnya pelaksanaan ini hanya melibatkan sepuluh (10) jenis kenderaan awam seperti berikut:

- | | |
|-----------------------|-----------------------|
| (i) Bas Sekolah | (vi) Kereta Sewa |
| (ii) Bas Ekspres | (vii) Teksi |
| (iii) Bas Henti-Henti | (viii) Van/Lori Mayat |
| (iv) Bas Pengantara | (ix) Ambulans |
| (v) Bas Mini | (x) Bomba |

Dalam memastikan penyasaran semula subsidi diesel yang lebih menyeluruh, Kerajaan bersetuju pelaksanaan SKDS 2.0 melibatkan perluasan kepada sembilan (9) jenis kenderaan pengangkutan barangan di Semenanjung Malaysia seperti mana pengumuman yang telah dibuat oleh KPDN pada 6 Mac 2024 melibatkan jenis kenderaan seperti berikut:

- | | |
|---------------------------------|----------------------------------|
| (i) Lori Rigid – Kargo Am | (vi) Lori Rigid – Refrigerated |
| (ii) Penggerak Utama | (vii) Lori Rigid – Tangki Tepung |
| (iii) Lori Rigid – Luton/ Kotak | (viii) Window Van |
| (iv) Lori Rigid – Tangki Air | (ix) Panel Van |
| (v) Lori Rigid – Minuman Botol | |

Syarikat pengangkutan yang mempunyai kenderaan yang layak boleh memohon kelulusan daripada KPDN melalui Sistem MySubsidi Diesel di pautan <https://mysubsidi.kpdn.gov.my/>. Kriteria-kriteria yang perlu dipenuhi oleh syarikat adalah seperti berikut:

- (i) syarikat hendaklah berdaftar perniagaan di Malaysia;
- (ii) kenderaan mempunyai cukai jalan yang sah dan berkuat kuasa; dan
- (iii) kenderaan yang layak di bawah SKDS 2.0 sahaja.

KPDN komited untuk memastikan segala data dan proses transisi ke arah pelaksanaan penyasaran subsidi dapat dilaksanakan dengan mengambil kira kesan langsung yang paling minimum kepada rakyat secara keseluruhannya. Justeru, pendaftaran awal syarikat pengangkutan yang memenuhi kriteria akan banyak membantu pihak Kerajaan memastikan ikhtiar ini dilaksanakan dengan secepat yang mungkin, tanpa sebarang isu dan masalah.

Sebarang pertanyaan dan maklumat lanjut berkenaan perkara ini boleh menghubungi Pusat Panggilan Sistem MySubsidi Diesel di talian 03-8882 5917/ 6176/ 5894/ 5893 bermula jam 8.00 pagi sehingga 5.00 petang pada hari bekerja dan permohonan fleet card syarikat minyak pembekal boleh dibuat menerusi pautan permohonan berikut:

PETRONAS	
Talian	: 1-300-88-8282
Pautan	: https://www.mymesra.com.my/for-business/smartpay
Shell	
Talian	: 1-300-22-8181
Pautan	: https://www.shell.com.my/business-customers/shell-fuel-card/apply-for-shell-fuel-card.html
Petron	
Talian	: 1-300-2282-11
Pautan	: www.petronfleetcard.com.my
Caltex	
Talian	: 1-800-88-3168
Pautan	: https://www.caltex.com/my/business-solutions/fleet-cards/caltex-diesel-government-subsidy-card.html
BHP	
Talian	: 03-7719 9499
Pautan	: https://www.bhpetrol.com.my/new-to-x-fleet/

YB DATUK ARMIZAN MOHD ALI
Menteri Perdagangan Dalam Negeri
dan Kos Sara Hidup